

Miyaañ-Beewī Kā Rishtā

Injeel : 1 Patras 3:1-12

[Jis tarah se *Isā*^(a.s) ne Allaah taa'alā par yaqeen kiyā taaki wo unkā *ḡhayaal rakheñ*,] usī tarah se, shaadeeshudā auratoñ ko apne shauharoñ ke iḡhtiyaar ko kubul karnā chaahie. Taaki agar unmeñ se koī Allaah taa'alā ke kalaam par yaqeen n rakhtā ho, to unkī beewiyaañ apne acḡhe mizaaj se binā bahas kare unko raazī kar leñ. ⁽¹⁾ Jab tumhaare shauhar tumko izzat aur paakeezgī se ziñdagī basar karte dekheñge to, wo Allaah taa'alā ke kalaam par yaqeen karnā shuru kar deñge. ⁽²⁾

Tumhaarī *ḡhubsurtī* baahrī sajaawaṭ se naheen honī chaahie, jaise baaloñ kā dikhaawṭī juḡdā, yā qeemtī jewar aur mahañge kapḡe. ⁽³⁾ Iske bajaae tumhaarī *ḡhubsurtī* añdar se āñī chaahie, tumhaare dil se. Ek sukun aur narmdil ruh kī *ḡhubsurtī* waḡt ke saath kam naheen hotī aur wo Allaah rabbul ālameen kī nazar me beshqeemtī hai. ⁽⁴⁾ Nek aurateñ apne āpko aise hī *ḡhubsurat* banaatī haiñ. Unhone Allaah taa'alā par purā bharosā kiyā aur apne shauharoñ ke iḡhtiyaar ko qubul kiyā. ⁽⁵⁾ Janaab Ibraaheem^(a.s) ki beewī, beebī Saarah, ne apne shauhar kā kahnā maanā. To agar tum wo kaam karo jo sahī hai aur ḡarnā ḡhoḡ do to unkī beṭiyaañ ki tarah ho jaaogī. ⁽⁶⁾

Isī tarah se, shaadī shudā ādmiyoñ ko bhī apñī beewiyoñ ke saath rahamdilī aur samajhdaarī se ziñdagī guzaarnī chaahie. Tumhaare muḡaable tumhaarī beewiyaañ naazuk hai, to tum unse narmī se pesh āyā karo. Wo tumhaarī hamsafar haiñ aur Allaah taa'alā ne unko bhī tumhaarī tarah barkat bakhshī hai, jo ek naī ziñdagī kā tohfā hai. Usko usī tarah se izzat do taaki tumhaarī duā me koī rukaawaṭ nā āe. ⁽⁷⁾

Āḡhir me ek baat aur suno, tum sab ek dusre ke saath sukun se raho. Ek dusre kī baat ko pyaar se suno. Ek dusre ke saath muḡabbat se pesh āo. Dusre logoñ ke saath narmī aur rahamdilī se pesh āo. ⁽⁸⁾ Buraāī kā badlā buraāī se n do, yā apñī beizztī kā badlā dusre kī beizztī kar ke nā lo. Iske bajaae tum unko salaamatī kī duā do. Allaah rabbul azeem ne tumko isī kaam ke liye bhejā hai. Agar tum is kaam ko añjaam doge to wo tumko waade ke mutaabiḡ barkat degā. ⁽⁹⁾ Jaise kalaam me kahā gayā hai:

“Agar tumko *ḡhushhaal* ziñdagī aur acḡhe din chaahie,

to apñī zabaan ko burī baat bolne se roko,

aur apne hoṭoñ ko jhuṭ bolne se roko. ⁽¹⁰⁾

Buraāī se muḡ moḡ lo aur nek amal añjaam do.

Dil lagā kar kaam karo aur dusroñ ke saath sukun se raho. ⁽¹¹⁾

Parwardigaar acḡhe kaam karne waaloñ kā hī *ḡhayaal* rakhtā hai,

aur unkī duaañ ko qubul kartā hai.

Lekin wo bure kaam karne waaloñ ke *ḡhilaaf* ho jaatā hai.”^[a] ⁽¹²⁾

[a] Zabur 34:12-16